



Ashowizo- mashkikiin - Debwewinan

**ASHOWIZO-MASHKIKIIN ADAA
NIGAASIJIGAADE ANISHINAABEK,
ESHKIIMEWI MIINWAA
WIISAAKODE BEMAADIZIJIG
AWII AAKOZIWAAD, YAAMIWAAD
GABE-BIMAADIZIWIN
ZNAGZIWINAN MAAGE NIBOWAAD
ONJI AANIN AAKOZIWINAN.**

Aakoziwinan age nigaasijigaadegiba newen ashowizo-mashkikiin zhinkaadenon ashowizo-mashkiki gibichigaadeg aakoziwinan. Ashowizo-mashkikiin (ezhinkaaadeg age jitawaaganiwi-ji-onji aakozisig) naadmaagemigadon gnwenjigaaziwaad bemaadizijig gnimaa gaawii geshtosigwaa awii debinamiwaad ashowizo-mashkikiin, dibishko gonaa binoojiinsag zaam gaawii ade piitziisiwaad maage bemaadizijig eyaamijig bkaan dnowaa naapinewinan. Ashowizo-mashkikiin giikinigaadenon bemaadizijig ado naadamaagoying miigaadamang aakoziwinan e-zhibiigaadegin maampii niisawiing nigaasijigaadenon awii temigag zhiwe odenaang.



Gnowaabmdan maanda e'mazinaatesing:
<http://bit.ly/vaccine-purpose>

Debwewin #1

Owi baatiinag mamiitigo'omba'ibiise, jakanaamo (nepidanaamo-ososodam), miskwanzhe, gichi-aakoziwin gaa-gii-aya miinwaa aanin bkaan aazhoo'iwe manijooshensag gaa-aakoziishkaagewaad agii naazhisemigadoon maampii Gaanada zaam owi onji mina maajiishkaamigag owi jitawaaganiwi-ji-onji aakozisig zhichigewinan. Dash wiigwa, newen aakoziwinan yaa-aabi temigadoon miinwaa naasaab piichi aazhoo'iwegigadoon. Dibishko gonaa, ensa biboon maampii Gaanada 1,000 apiinish 3,000 bemaadizijig waawinijigaade yaamiwaad jakanaamo (nepidanaamo-ososodam) zaam gaawii kina gwaya agii debinaziin owi ashowizo-mashkiki.

Debwewin #2

Debinamang woshme bezhig ashowizo-mashkiki naasaab apii waankiiwendaagwod miinwaa naadmaagemigad gnwenjigaaziwaad binoojiinsag, binoojiinig miinwaa gichi aawijig newen ashowizo-mashkiki gibichigaadeg aakoziwinan. Ashowizo-mashkiki ezhisijigaadegin – owi epiitziisiwaad miinwa apii giin miinwaa gdo binoojiinimang debinamiwaad – agii makigaade waankiiwendaagwog nikaazan ndakenjigewin miinwaa niibna biboon bimiseg.

Debwewin #3

Gegaa agwa kina bemaadizijig e-debinamijig ashowizo-mashkikiin gaawii gego mozhitosiinaawaan maanaaj inamjiwinan. Apii gishpin temigag maanaaji inamjiwinan gagwech agwa dibasaanon, dibishko gizhisiwin maage moogizheng, miinwaa woshme dibasaanon apiish dash yaaman owi aakoziwin. Giikendaasowin debwewin waabmdowemigad newen niizaanziwinan owi maanaaji dodaagewin wewiika tenon.



Photo: Shutterstock.com, ID: 1721035699

Debwewin #4

Ashowizo-mashkikiin maampii Gaanada weweni ndakenjigaadenon awii gagwekwenjigaadeg nishing miinwaa waankiwwendaagwog jibwaa minwaabmjigaadeg awii nikaazang. Ashowizo-mashkikiin aabaji naagzowaamjigaadenon owi waankiwwendaagwog shkwaa minwaabmjigaadeg awii nikaazang maampii Gaanada. Gikendaasowin debwewin waamdowemigad bangii ashowizo mashkiki 'dagosijjiganan gaawii niizaansinon gdo mina bimaadiziwin.

Debwewin #5

Owi ashowizo-mashkiki aawan e'nishing nikiiyaa awii yaaman gaa-naadamaagoying awii bwaa aakoziwin bwaa aakozi kaagiyin owi aakoziwin. Debinigaadeg owi aakoziwin adaa miigwemigad gichi aakoziwin, miinwaa gnimaa adaa awan gabe bimaadizing maanzhi-aawang maage nibowin.

Woshme gikendamowin, gnowaabmdan Immunize Canada odi <https://immunize.ca>

Miiwetch gewe ekinomaagaazijig J. Carroll, J. Daigle, S. MacBean, S. McKee, A. Mercey, O. Obajimi, & S. Woodstock miinwaa gewe e'aanji ndakenjigejig.



National Collaborating Centre
for Indigenous Health
Centre de collaboration nationale
de la santé Autochtone



National Collaborating Centre
for Infectious Diseases
Centre de collaboration nationale
des maladies infectieuses

